

新智識叢書

近世社會主義論

美國伊黎著
黃尊三譯

商務印書館



序

世界大戰而後。民主之精神日張。社會主義遂成爲時代思潮。而爲今日研究之中心問題。我國學人頗有爲思潮所激。就此問題企爲澈底之研究者。惜無詳明的系統的著述。殊爲學術界思想界之憾事。茲編爲美國伊里博士所著。取社會主義。爲有系統的研究。并就該社會主義者之人物、及其社會的運動。詳細論述。比較精研。洵近代之巨著。特擇譯之。以供國人有心研究斯學者之參考焉。

民國十一年十一月十一日譯者識

近世社會主義論目次

第一編 總論

第一章 緒言.....一

第二章 社會問題之本質.....六

第三章 現今社會問題之起因及發達.....一〇

第二編 法蘭西社會主義

第一章 緒論.....一七

第二章 巴甫甫之共產主義.....二〇

第三章 凱白之共產主義.....二七

第四章 賽西門之社會主義及其門人.....三四

第五章 弗里爾之社會主義.....五一

第六章	路易布蘭之社會主義·····	七二
-----	----------------	----

第七章	蒲魯東之社會主義·····	八三
-----	---------------	----

第八章	蒲魯東死後之法蘭西社會主義·····	九六
-----	--------------------	----

第三編 日耳曼社會主義

第一章	緒論·····	一〇五
-----	---------	-----

第二章	魯得柏爾士之社會主義·····	一〇九
-----	-----------------	-----

第三章	克爾馬克士之社會主義·····	一一九
-----	-----------------	-----

第四章	萬國勞動者同盟·····	一三三
-----	--------------	-----

第五章	弗地蘭得拉薩爾之社會主義·····	一三七
-----	-------------------	-----

第六章	社會民主黨之理想·····	一四七
-----	---------------	-----

第七章	拉薩爾死後之社會民主黨·····	一五三
-----	------------------	-----

第八章	講壇社會主義·····	一六九
-----	-------------	-----

第四編 基督教的社會主義

第一章	社會問題與宗教之關係·····	一七八
第二章	聖書中之社會主義的教義·····	一八一
第三章	法蘭西英吉利德意志之基督教的社會主義·····	一八八

近世社會主義論

第一編 總論

第一章 緒言

人者、社會之動物也。集人而成家族、成種族、並成國家。以謀共同生活。而增進其利益。人類之所以不獨立而團結者。蓋由其天性與需要互爲因果關係故也。夫人類之智力德力體力。本不平等。故當其組織社會。各個人決不能保持其同等之關係。賢役愚。強制弱。夫唱婦隨。君尊臣卑。自由民及奴隸之區別。富豪與貧民之等差。皆有必然之勢。非人力所能勉強作成者。由是以觀。社會之不平等。乃人性自然之結果。彼唱共產主義者。謂不平等爲背於自然之法則。此種學說。要非吾人所敢贊同也。

然社會不平等。若超過適當之程度。則與人類組織社會本來之目的相違。卽

社會若僅由優而富貴、與劣而貧賤者之兩極端分子成立。無其他之元素結合。融和於其間。則社會之平和必破。而騷亂之革命以起。古今來各種政體之興廢。莫不皆然。試取近例以證之。前世紀法蘭西之大革命。即因貴族與平民政治上之懸隔。達於極點。缺乏調和元素之所致也。此種未曾有之大革命。不僅影響於法蘭西。並影響於全歐洲及全世界之政體。使貴族平民之區別。政治上全歸消失。採用憲法制度。直接或間接附與一般人民之參政權。如盧梭等所唱萬人平等之共產主義的學說。即誘致此大革命之一原因也。

淺近者流。每以近世之代議政體。即爲完全實現政治上平等主義者。殊不知社會之不平等。乃自然之大法。人性必然之結果也。故政治上之完全平等。亦決不能實現。縱退一步言之。代議政體之國。雖可視爲政治上之平等。而經濟上之不平等。仍依然如故。蓋社會少數人坐擁巨資。日事揮霍。而大部分之多數。則賣其勞力於資本家。或耘他人之田。以餬一己之口。似此經濟上之不平等。尤以今

日所謂文明富強及高唱民權自由之國。爲最發達而顯著。然因國民經濟上之
不平等。更惹起其他之不平等焉。姑取最淺近之事例證之。富者衣輕裘。居大廈。
食珍羞。而貧者求一飽暖而不可得。豈非生活上之不平等乎。富者受高等專門
教育。貧者欲受普通教育而不能。是非教育上之不平等乎。衣食足而後知禮義。
無恆產則無恆心。是非道德上之不平等乎。富者有被選權。貧者無選舉權。是非
政治上之不平等乎。由是觀之。現今文明各國。經濟上之不平等。其關係之大可
知矣。

今社會經濟上之不平等。如此其甚者。要因於自由競爭。而自由競爭之基礎。
則在於私有財產制。故共產主義者。企廢私有財產制。代之以共有財產制。杜絕
自由競爭之弊。共同生活。共同享受。或平均分配之。以達絕對的經濟上之平等。
然人者。本不平等。而社會周圍之情狀。更足造成人類之不平等。故望經濟上絕
對的平等。猶望人面之同。人壽之均。烏可得乎。

雖然國民經濟上之不平等。若超過適當之度。則社會主要之成分。祇有巨富與赤貧之兩階級。而調和此兩者之中等社會。漸次減少。社會之和平必破。而革命之騷亂以起。此實現今文明各國之通患也。如彼共產主義之學說。雖無由實行。若以今日之狀況。聽其放任。則地主之兼併日肆。貧富之懸隔愈深。而社會破裂之慘劇。亦終不能免。於是社會主義之學者。主張限制私有財產。以土地與資本爲公有。（即國有）使國民共同從事生產。其生產物。比例其勞動之程度而分配之。此說比之共產主義。似較確實。且爲有學理的。然居現今社會優勢地位之地主與資本家。則極力反對此主義之實行。至目爲邪說異端。而多數勞動者。則頗歡迎之。此社會黨之所以成立。而全歐之政潮於以鼓盪也。

夫貴族與平民之軋轢。既依法國大革命以告終。今富民與貧民之衝突。較之往昔。更爲激烈。第二大革命之發生。吾人敢決其不遠。職工組合。其萌芽也。同盟罷工。其徵兆也。而社會黨即其原動力也。今之持極端社會主義者。以革命爲目

的。以爲現行之法制。非完全破壞。則不能創造新法。社會之進步。自有常經。進化是也。人自衰老而終於死亡者。亦爲革命。並爲進化也。因經濟上之極不平等。惹起社會之大革命者。與胎兒之成熟而生。生人之衰老而死。無以異也。

雖然。流產死產早產或天產。爲革命而非進化。以吾人所見。現今經濟上之不平等。若一任其自然流行。其結果將等於流產死產早產天產。而終於不祥之革命。是故欲使現今之經濟社會得健全之生存。不可不依證投藥。今各國政府。於人民之所有權及自由競爭。加以多少之制限。並與貧困者勞動者以適當之保護。卽今之所謂社會政策者。實不外欲達此目的也。

所謂社會政策者。卽國家用其權力。依法律命令。維持社會之平衡。而於解決現今之社會問題。爲最有力者。原社會黨之發生。其本來之目的。卽在解決社會問題。然今之社會黨本身。卽成社會問題之目的物。今日社會黨之處分問題。實社會政策上之一大難題也。

今各國之慈善家、資本家、企業家。爲保護勞動者。故設有各種之計畫。例如投私資以療勞動者之疾病。或分配以一部分之利益。如斯方法。雖於解決現今社會問題上頗爲重要。然其效果。多限於最小範圍。不能普及於一般。故吾人以爲足以解決現今之社會問題者。非社會黨。非私人之慈善的事業。唯視國家之社會政策何如耳。雖然。社會黨之黨議。與慈善家之計畫。亦大足影響於國家之社會政策。則無疑矣。

第二章 社會問題之本質

社會問題。人或視爲包含關於人類社會一切之問題。此與視社會主義卽社會學。同其謬誤。夫社會主義。不過社會學上研究之一科。而社會問題。不過爲關於社會重要問題之一耳。社會學者。爲研究關於社會一切現象之學問之總體也。社會主義者。因解決社會問題（爲特別的社會之一現象）而生之諸說之總體也。而社會黨。爲欲實行社會主義之政黨也。此社會問題。社會主義。社會黨之

種種名稱。實始自近代。以吾人所聞。卽西歷一千八百三十五年。英國之工業家魯帕多瓦維氏。以講改革之策爲目的。創立一社。名爲各國民種屬協會。而此結社。非計政治上之改革。乃專置重於社會上之改革。故當時人多以社會主義稱之。並稱其結社爲社會黨。此種新名辭。未幾依法國學者列顛氏之力。自英倫輸入歐洲大陸。彼於其著近世之改革者一書。特究法國賽西門弗里爾、英國瓦維等之學說。以社會主義之名稱。附與彼輩。於是社會主義、社會黨之名稱。暫被襲用於近似之諸主義與諸黨派之間。同時社會主義之學者及社會黨。專期改革社會上之問題。至社會問題之名稱。亦因以成立焉。

社會問題之名稱既立。而其本質若何。曰。卽經濟上强者與弱者間利害衝突之問題也。現今文明國一般普通之社會問題。要言之。不外資本主與勞動者地主與勞農之利害衝突問題也。

社會問題。要以經濟上之問題爲其主因。何則。此問題卽因社會兩階級間貧

富懸隔而發生者也。然欲解決之。不可不藉政治之力。

社會問題。與其謂爲經濟上富之生產問題。無寧謂爲富之分配問題。近世文明國國民之生產額。雖顯然增加。然而資本及土地。愈集注於少數人之手。多數人民。賣其勞力。不過僅得餬口之資。而無毫末福利之可言。是現今社會問題之真相也。然社會問題。非獨爲近世之特產物。其命名雖在近世。其產生實在上古。泰東字典。雖無此社會問題連貫之名稱。然溯東洋過去之史乘。及現在之狀況。此種問題。亦甚陳腐。而非特奇。要之。不問時之古今。種之黃白。國之君主專制。貴族專制。立憲制。共和制。宗教之爲佛。爲耶。爲回。爲儒。爲道。苟脫原始之共產的社會。而成私有財產制之社會。則此問題。必存在於其國民之間。吾人若一讀柏拉圖之共和國及法之二書。即可知希臘國民貧富兩階級之如何疾視也。讀羅馬史。可見貴族與平民之如何紛爭也。他如讀馬爾士氏無何有之鄉。加姆帕列拉之市民奏樂。罕里古頓之大洋等之共產主義之政治小說。則中世以後。彌漫於

歐羅巴貧富懸隔之慘禍。如何劇烈。其刺激當時政治家、哲學家、宗教家之神經。如何痛苦。皆可得想像而知也。

夫東洋孔孟之徒。尊崇堯舜之治。主張井田之法。其著書立說。莫不以土地兼併、貧富隔絕爲慨歎。如尙書洪範篇。有無偏無陂。遵王之義。無有爲好。遵王之道。無有作惡。遵王之路。無偏無黨。王道蕩蕩。無黨無偏。王道平平。無反無側。王道正直之語。又孔子亦有丘也聞有國家者。不患寡而患不均之言。所謂無偏無黨者。卽平等平衡也。所謂不患寡而患不均者。卽非憂富之生產額不多。而憂其分配之不均也。他如墨子之兼愛。老子之虛無。雖其說往往失乎中正。然惡貧富之懸隔。慨社會之不平則一也。

故洋不問東西。時不論今古。社會問題。不僅爲學者研究之難題。而國家之革命。志士之流血。人民之暴動。其彰彰載於史乘。實不遑枚舉。古拉加士、不獨爲羅馬之生兒。巴普甫、又豈爲法蘭西之特有哉。羅馬共和末造之騷亂。僅斃兩古拉

加士而已。而百古拉加士。尙繼出於其後。法國革命時代之斬首台。僅馘一巴甫甫而已。而千巴甫甫。今尙健在。蓋今日之共產黨、社會黨。卽當時古拉加士巴甫甫之化身也。法國革命之再現。爲第十九世紀之社會問題。變貴族平民之競爭。爲資本主勞動者之衝突。地主與勞農之軋轢。故法國革命。不僅一變該國之政體。改造其社會已也。卽全世界之文明國。莫不蒙其影響。而第十九世紀之社會問題亦然。先發於英。漸次震撼全歐。波及美國。並東洋各國。歐美好學深思之士。久欲依其筆舌與政策。並黨派之勢。國家之力。解決此難題。而我東洋之學者政治家。多以對岸之災視之。甚且不辨其本質之爲何物。其危險可勝言哉。

要之、社會問題。關於經濟上富之分配問題也。而現今社會問題之異於古代者。卽彼爲局地的問題。此爲世界的問題也。

第三章 現今社會問題之起因及發達

現今之社會問題。實起因於法國大革命後產生之特別經濟事情。此事情初

起於英法。漸次傳播歐美。此特別經濟事情爲何。曰、經濟上之自由主義之普及是也。又所謂自由競爭。個人主義。資本專制。凡此種種名稱。均不外表示今世紀之經濟事情也。

在法國革命以前。封建制度。尙未全廢。社會之階級。分貴族、僧侶、平民、三級。平民卽第三級民。往往受壓制於貴族僧侶。貴族僧侶。享有特權。不僅政治上之自由。尙未成立。卽經濟上之自由。亦不發達。從事於商工業之平民。僅行所謂基爾德之同業組合制度。其職業多受嚴正限制。不能自由選擇。如商品之代價。多由法律定之。會社之設立。須經政府認可。又行所謂奴隸賣買。及終身奴婢之制。人身及勞動之自由。全受侵奪。人民無法律上之同等權。其他一切之自由權。無一不受法律及習慣之束縛。

此封建制度下之經濟事情。僅自貨物生產上觀之。實令人生無窮之感歎。欲望國民經濟之繁榮。其可得乎。雖然。若自貨物分配上及社會道德上論之。則此

制度。比之現在經濟制度。反見優勝。卽彼時地主與勞農之關係。甚爲親密。鬚髯若親族之關係。又大製造業尙未發達。專行小規模之手工業。且此等之手工業者。受基爾德制之束縛。分工主、職工、及徒弟三級。徒弟於工主之工場。勤務一定之年限後。得升入有給職工。又職工若忠於其工主。經一定之熟練。亦得升爲工主。當是時也。社會上雖有貧富之分。然尙不如今日之懸隔。以昔日之徒弟。不難一躍而爲工主。而今日製造場被僱之勞働者。斷無得爲製造場主之事。昔日地主與勞農之關係。如親子之關係。而今之勞農（特如英國勞農）終其身不識地主之面。且儼若仇敵焉。

自封建制度根本打破後。經濟自由制度。始普及於全歐。茲略述經濟自由制度於左。

第一 公認人身及勞働之自由。卽開放奴隸。禁止賣買。廢終身奴隸制。使有法律上同等之權利。認移轉及職業之自由。廢試驗制度。並認僱傭契約之自